

Naalakkersuisut siulittaasuat

Landsstyreformanden



Inatsisartunut ilaasortaq Hr. Palle Christiansen  
c/o Inatsisartut Allattoqarfiat  
Maani

### **Namineerta pillugu Naalakkersuisunut apeqquteqaatinut akissut.**

Oktoberip 14-ani 2008 Naalakkersuisunut allagaqarlutit Inatsisartut suleriaasianni § 36, imm. 1 naapertorlugu Namineerta pillugu apeqquteqaateqarputit.

Apeqqutigineqartut matumuuna akissuteqarfigissavakka.

#### **Apeqqut 1:**

Namineerta! pisortaniit tapiiffigineqarnissamut pisinnaatitaava? Taamaassimas-sappat akissuteqarfigeqqussavara taakkununga qinnuteqarsimanersut.

#### **Akissut:**

Qularutissartaqanngitsumik Namineerta pisortaniit tapiiffigineqarsinnaanersoq nalilerneqassappat, taava naatsorsuutigisariaqarpoq qinnuteqaammik aalajanger-simasumik nassiusisoqarsimanissaa. Qinnuteqaat taama ittoq qinnuteqartoq pillugu paasissutissanik, qinnuteqarnermullu siunertanik imaqartariaqarpoq, tassanilu maleruagassat tapiiffigineqarsinnaanermut sukkulluunniit atuuttut tungavigineqartariaqassallutik.

Ilanngullugulu ilisimatitsissutigisinnaavara Naalakkersuisoqarfiit/Naalakkersuisunut ilaasortat qinnuigineqarsimmata suliassaqaarfimmini tapiissuteqarsinnaanermut periarfissanik peqarnersoq mississoqqullugu Namineerta Namminersorerullutik Oqartussanut tapiiffigineqarnissamik qinnuteqassagalarpat. Ilutigitillugulu Naalak-kersuisoqarfiit qinnuigineqarsinnapput Namineerta-miit tapiiffigineqarnissamik qinnuteqartoqarsimanersoq.

Naalakkersuisoqarfinniit paasissutissat takutippaat aningaasanut inatsimmi tapiiffigineqarnissamut periarfissanik imaaliinnarluni nassaartoqarsinnaanngitsoq. Aammalu Naalakkersuisoqarfiit Namineerta-miit qinnuteqaammik tigusaqarsi-manngillat.

#### **Apeqqut 2:**

Naalakkersuisut inissaminiissorinerpaat, kattuffiit pisortatigut tapiissuteqar-figineqartartut (uani politikikkut partiit eqqarsaatigineqanngillat), Namineerta!-mut ilaassasut Namineerta!-lu aningaasatigut ikiorlugu?

24. oktober 2008  
Sags nr.  
2008-011937  
Dok. nr. 103757  
Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl

**Akissut:**

Apeqqutigineqartup akissuteqarfiginissaani apeqqutaavoq peqatigiiffimmut kattuffimmulluunniit pineqartumut tapiissuteqarnermi suna siunertarineqar-simangersoq, aammalu tapiiffiginqartoq pisortanit tapiissutit saniatigut allanik isertitaqartarnersoq. Pisortanit tapiissutisiat tapiissuteqarnermut tunngaviusut naapertorlugit aningaasanik atuisussaavoq, kisiannili tapiiffigineqartoq allanik isertitaqarsimaguni, - pisortat tapiissutaasa avataatigut, - soorunami isertitani nammineq siunertani naapertorlugu atorsinnaavai.

Inussiarnersumik inuulluaqqusillunga

Hans Enoksen